



## Publicaziuns dalla vischnaunca, jamna 18

### Administraziun communal

Sur Anceinza naven da **mesjamna, ils 9 da matg 2018**, allas 17.00 entochen **gliendisdis, ils 14 da matg 2018**, allas 9.00 resta l'administraziun communal **serrada**.  
Bien engraziament per Vossa capientscha.

*Administraziun communal*

---

### Lavurs da manteniment Viafier Matterhorn Gotthard (MGB) Tschancun Pass Alpsu–Disentis/Mustér

La viafier MGB preveda lavurs da manteniment sin il trassé dalla viafier sin il tschancun naven dil Pass Alpsu entochen Disentis/Mustér.

Per motivs da menaschi e da segirtad vegnan quellavurs exequidas la notg.

Las lavurs da manteniment entscheivan ils 14/15 da matg e cuozan entochen ils 13/14 da fenadur 2018, mintgamai dallas 20.00 entochen allas 6.00

Per ulteriur sclariment san ins sevolver tiel responsabel pil manteniment dall'infrastructura dalla viafier MGB, Guido Monn, [guido.monn@mgbahn.ch](mailto:guido.monn@mgbahn.ch).

Bien engraziament per Vossa capientscha.

*Viafier MGB, Guido Monn*

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntionscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischnun! Pli- navon daventan ils donnos cun mintga minuta spiarsa pli gronds. Perquei s'adressein nus a Vus cun ina fer- venta supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).  
Engraziel per Vies sustegn!

*Vos pumpiers Sursassiala*

---

### Nossa scola populara Disentis/ Mustér – Informaziun davart il niev plan d'instrucziun P 21

Nossa scola populara Disentis/Mustér informescha ils geniturs dallas vischnauncas Disentis/ Mustér e da Medel/Lucmagn davart il niev plan d'instrucziun 21 e sias midadas e novaziuns che van en vigor cun entschatta dil niev onn da scola 2018/19:

**Mardis, ils 8 da matg 2018 allas 19.30 ella Halla Cons a Mustér**

Sin bien seveser e cordials salids!

*Nossa scola populara Mustér*

---

### Forum Kloster Disentis

Dr. Felix Liechti, der Leiter der Abteilung Vogelzugforschung der Schweizerischen Vogelwarte Sempach, spricht über das Thema: Himmelhoch und meilenweit mit neuer Technologie den Zugvögeln auf der Spur.  
**Dienstag, 8. Mai 2018, 20.30 Uhr Peter-Kaiser-Saal**  
Herzliche Einladung



*Kloster Disentis, P. Urban Affentranger*

---

### **Preavis**

#### **Nus encurin Vus – voluntaris per l'ex18**

Naven da **venderdis, ils 26 d'october entochen dumengia, ils 28 d'october 2018** ha liug per l'endschavla gada l'exposiziun da commerci e professiun Disentis/Mustér – ex18 – el center da sport e cultura. Sper l'exposiziun vegn purschiu in program da rama variont sco era in Foodfestival cun nos gastronoms indigens. Per quei intent drov'ei Vies agid, seigi quei tier lavurs alla cassa, controlla d'entrada, service, lavurs da baghegiar/preparar eav. Nus selegrein sin Voss'annunzia sut [info@ex18.ch](mailto:info@ex18.ch). Cordial engraziament gia ordavon per Vies engaschi. Sin bien seveser all'ex18.

*Comité d'organisaziun ex18*

---

#### **Tir obligatori 300 m a Sedrun la Resgia**

**Anceinza, ils 10 da matg 2018** allas 18.30–20.00

**Gliendisdis Tschuncheismas, ils 21 da matg 2018** allas 17.00–20.00

**Dumengia, ils 19 d'uost 2018** allas 17.30–18.30

*Cordialmein envida la societad da tir Desertina*

---

#### **Di dils utschals – Tag der Vögel**

##### **Excursiun primavauna sur dils utschals**

##### **Sonda, ils 12 da matg 2018**

Cu: 7.00 entochen ca. allas 11.30

Nua: Mutschnengia (parcadi). Sin giavisch ei in viadi comunabel naven da Mustér (Salaplauna) ni naven da Curaglia (posta) pusseivel.

Program: excursiun d'utschals; silsunter solver

Prender cun: perspectiv ni telescop, resti tenor aura, calzers da cuolm, enzatgei da beiber e da magliar; cudisch da determinaziun d'utschals (sche avon maun) ed enzatgei da sriver. Aura: Sch'ei havess da plover fetg ni da neiver, vegn l'excursiun stuschada.

Dapli informaziuns: 081 936 48 00 ni [www.agricultura.ch](http://www.agricultura.ch).

Segironza: ei caussa dils participonts

Annunzias: entochen venderdis, ils 11 da matg allas 17.00 sut 081 936 48 00 ni [info@agricultura.ch](mailto:info@agricultura.ch).

---

#### **Uniun fallun e cascharia Disla/Mustér**

**Sonda, ils 12 da matg 2018** dallas 10.00–18.00 ha puspei liug a Disla/Mustér il di svizzer dils mulins.

Quei di vegn mulau, resgiau ed era il talèr vegn mess en funcziun sco era la cascharia ei da contemplar. Ins sa secapescha era gentar tier nus. A tuttas e tuts in cordial beinvegni.

*La suprastonza*

---